



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. III. Ad c. firmiter I. X. de SS. Trin. De descensu Christi ad inferos.

urn:nbn:de:hbz:466:1-10224

ca ædificata est, antehac Basilica Constantini dicta, quod fuerit à Constantino magno donata Sylvestro Pontifici, si fides Blondo, *Instaur. Ital.* Hic loci septem Synodi coactæ fuere. Prima sub Nicolao II. Sabauda, in quo damnatus error Berengarii & Pseudo Pontifex, præscriptâque eligendi summum Pontificem formâ per solos Cardinales *can. In nomine Domini. dist. 23.* Platina in *Nicol.* Secunda sub Calixto II. Burgundo, coactis 900. Patribus, in quâ contra Turcam constitutum, & decreta contra Imperatores Germanorum à prioribus Pontificibus stabilita & ademptæ concubinæ Sacerdotibus & Clericis. Alb. Kranzius *lib. 3. c. 40.* Tertia Synodus habita est sub Innocentio II. circiter annum domini 1135. coactis mille patribus, in quâ potissimum decretum, ne quis in prædiis sacerdotalibus sibi successorem constituere possit. Otto Frising. *lib. 7. c. 23.* Quarta sub Alexandro III. Pontifice, circiter A. D. 1170. In quâ, ne quis Turcis arma subministraret cautum, itemque sacerdotiorum pluralitas prohibita. *c. 3. de cler. non resid. eorumque ante vacationem promissio c. 2. & 3. & c. Ex tenore de concess. præb.* Prælati prohibita epulæ lautiores, venationes, & hujusmodi plura. *c. cum apostolus. X. de censib.* Quinta maxima Synodus sub Innocentio III. de quâ diximus. Vide *P. Æmilium lib. 6.* Sexta Lateranensis sub Eugenio IV. Veneto peracta anno 1446. teste Platina, quâ actum, ut Germani, qui nec Romano, nec Allobrogi Principi adhærebant, reducerentur ad unitatem. Septima sub Julio II. contra Turcas, quam transtulerunt Pisas, ut scribit P. Jovius. Sed re infectâ, tractatuque habito super derogatione pragmaticæ sanctionis in aliquibus, tempore Leonis X. ejus successoris & Francisci. I. Regis Galliarum conclusum hoc fuit concilium & conventiones seu concordata ibi publicata & approbata. *Vide Præmium Concordatorum.*

CAP. III.

Ad c. firmiter i. X. de SS. Trin.
De descensu Christi ad inferos.

S U M-

S U M M A R I A.

1. Decretalis, Firmiter.

3. Theodori Balsamonis sententia.

2. Patres concilii quid de descensu Christi ad Inferos statuerint.

4. Hic articulus incertum quo tempore symbolis insertus.

IN hoc concilio edita fuit celebris illa Decretalis: *Firmiter, Decretalis*, quam doctor subtilis, magnique nominis Scotus in 2. dist. 4. *Firmiter, sent. 3.* vel explicatius loquentem, Symbolis omnibus antea conferre non dubitavit. Ajunt concilii Patres, Christum descendisse ad inferos in animâ & resurrexisse in carne. Theodorus Balsamo Patriarcha Antiochiæ in Responsis ad interrogata canonica Patriarchæ Alexandrini, Marci lib. 5. *Juris Græco-Romani* refert Johannis Damasceni sententiam his verbis: Ὁ μέγας ἐν ἀγίοις Ἰωάννης ὁ Δαμασκηνός; ἐν τῷ Φω (Φησὶ) σωματικῶς, ἐν ἀδῆ δὲ, μὲν ψυχῆς, ὡς θεός, ἐν τῷ Ἰδαίω δὲ μὲν λησθῆ, καὶ ἐν θεῶν ὑπὲρ χειρὸς τῆς μὲν πατρὸς καὶ πνεύματος, πάντα πληρῶν, ὁ ἀπερίγραπτος. Id est: *In sepulcro corporaliter, in inferno autem cum animo, ut Deus: In paradiso vero cum latrone, & in throno fuisti, Christe, cum Patre & Spiritu, omnia implens, qui incircumscriptus.* Vide Montacutium orig. Eccles. tomi prior. parte posteriore p. 440. Hugonem Sanfordum Anglum *libris 4. operâ & studio Roberti Parkeri ad umbilicum perductis Amstelod. 1611.* Goldastus in *Rationali constitutionum Imperialium pag. 15. §. 5.* Incertum quo tempore symbolis fuerit insertum. Neque enim agnoscunt symbola Nicænum, CPolitanum, Ephesinum, Chalcedonense, Romanum, & alia orientalia. Non illud Justiniani Imperatoris in *l. cum rector. §. 1. C. de Sum. Trin.* Non Rufini Aquilegiensis Apostolici symboli interpretatio in D. Cypriani operibus posita. Veteris Germanicæ Ecclesiæ non unum vidi, nec temerè deprehendas tamen, vel in illo posterioris seculi, quod tomo II. rer. Alemann. est editum. *Hæc Goldastus.* Sed nostræ Ecclesiæ aliter.

Hic articulus incertum quo tempore symbolis insertus.

CAP. IV.

De Transubstantiatione.

S U M M A